

Infheistíocht an Aontais i réigiúin na hEorpa



▶ Físeán

https://multimedia.europarl.europa.eu/en/levelling-up-a-helping-hand-for-the-eu-s-regions_N01-AFPS-210617-RFHC_ev

Cuideoidh infheistíocht ó bhuiséad an Aontais Eorpaigh le réigiúin na hEorpa teacht slán ó phaindéis Covid-19 agus leas a bhaint as an aistriú digiteach agus an aistriú glas.

Níl réigiún an Aontais Eorpaigh ag forbairt ag an luas céanna agus is é an comhtháthú eacnamaíoch, sóisialta agus críochach ceann de phríomhthosaíochtaí AE. I bhfianaise dhrochiarmaidí phaindéis Covid-19, tá an tAontas chun €243 bhilliún (i bpraghásanna 2018) a infheistiú i mbeartas forbraíochta réigiúnaí agus comhtháthaithe [faoi 2027](#). I measc nithe eile, leagfar béim ar ghníomhú ar son na haeráide, [cláir shóisialta](#) agus forbairt uirbeach inbhuanaithe.

Athchóiriú ar bheartas réigiúnach an Aontais

Ag an seisiún ionlánach an 23 Meitheamh 2021, ghlac feisirí Eorpacha [trí chiste](#) chun comhtháthú eacnamaíoch, sóisialta agus críochach an Aontais a neartú. Is iad na cistí sin ná Ciste Forbraíochta Réigiúnaí na hEorpa, an Ciste Comhtháthaithe agus Sprioc an Chomhair Chríochaigh Eorpaigh ([Interreg](#)). Ghlac feisirí [rialachán eile](#) a dhéileáil ann leis na forálacha atá i gcoiteann ag na cistí sin uile. Foilseofar na rialacháin in Iris Oifigiúil an Aontais Eorpaigh an 30 Meitheamh agus tiocfaidh siad i bhfeidhm an lá dar gcionn.

Ag tacú le fás cliste agus inbhuanaithe i réigiúin na hEorpa

Leis an mbeartas comhtháthaithe úr, táthar ag iarraidh nósanna imeachta a shimplíú, infheistíocht a dhéanamh ar bhonn níos éifeachtaí agus a áirithíú go mbeidh sé i gcomhréir le spriocanna an Aontais i dtaca leis [an aistriú digiteach](#) agus [an aistriú glas](#). Ba cheart chomh maith tacú leis [an téarnamh iarpaindéime](#). Beidh ar na cistí 30% ar a laghad dá n-acmhainní a chaitheamh le [gníomhú ar son na haeráide](#), leis [an ngeilleagar ciorclach](#) agus le hinfheistíochtaí [i bhfás inbhuanaithe](#) agus i gcruthú post. Foráiltear freisin do bhearta sonracha le haghaidh gnólachtaí beaga agus meánmhéide agus do na réigiún is forimeallaí.

Mar chuid den [téarnamh iarpaindéime](#), tacóidh na cistí freisin le cultúr, turasóireacht inbhuanaithe, [digitiú](#) agus teacht aniar níos fearr a bheith [sa chóras sláinte poiblí](#). Cuirfear ar a laghad 8% d'acmhainní Chiste Forbraíochta Réigiúnaí na hEorpa ar fáil d'fhorbairt uirbeach inbhuanaithe. Ní chlúdaítear infheistíochtaí a bhaineann le cumhacht núicléach ná le breosláí iontase sa tacaíocht seo. Mar sin féin, go dtí an 31 Nollaig 2025, féadfar cabhair airgid ón gciste a thabhairt do thionscadail arb é atá mar aidhm leo ná gás nádúrtha a chur in ionad an ghuail.

Is cuid de bhuiséad fadtéarmach an Aontais don tréimhse 2021-2027 iad Ciste Forbraíochta Réigiúnaí na hEorpa agus an Ciste Comhtháthaithe, agus tiocfaidh maoiniú chomh maith ón bplean téarnaimh NextGenerationEU. Cé go gcumhdaítear gach réigiún ar fud na hEorpa leis an gcéad cheann, tá an Ciste Comhtháthaithe sícear ar thíortha AE ar lú a n-olttáirgeacht intíre per capita ná 90% de mheán an Aontais. Le buiséad de €243 bhilliún (i bpraghnsanna 2018), le chéile beidh an dá chiste seo ar an uirlis infheistíochta is mó san Aontas. Is faoi na cistí seo a thagann thart ar an gceathrú cuid de bhuiséad 2021-2027.

Tacaíocht do thionscadail trasteoí

Beidh buiséad de €8.05 billiún (i bpraghnsanna 2018) ar fáil do Interreg sa tréimhse 2021-2027. Is méadú 3% é sin le hais na tréimhse roimhe seo. Tá 72.2% de na hacmhainní seo le caitheamh ar chomhar trasteoí, agus is iad na réimsí eile a gheobhaidh cabhair airgid ná comhar trasnáisiúnta (18.2%), comhar idir-réigiúnach (6.1%) agus comhar i leith na réigiún is forimeallaí (3.5%).

Ar ndóigh aon tir atá ag iarraidh maoiniú a fháil ón trí chiste seo, beidh orthu coinníollacha áirithe a chomhlíonadh i.e. déanamh de réir [Chairt an Aontais um Chearta Bunúsacha](#), Spriocanna Forbartha Inbhuanaithe na Náisiún Aontaithe agus [Chomhaontú Aeráide Pháras](#), chomh maith le comhionannas inscne a chur chun cinn agus a bheith gníomhach in aghaidh an idirdhealaíthe.

Maoiniú eile do réigiún an Aontais

Chomh maith leis na cistí thuas, tá cistí eile AE ann a infheistíonn i réigiún na hEorpa. Agus é mar aidhm ag an Aontas aeráidneodracht a bhaint amach faoi lár an chéid, cuirfidh [an Ciste um Aistriú Cóir](#) €17.5 billiún ar fáil chun a chinntí nach bhfágfar aon duine ar gcúl san aistriú chuig geilleagar níos glaise. San aireamh sa phacáiste, tá €7.5 billiún ó chreat airgeadais ilbhliantúil

2021-2027 agus €10 mbilliún breise ó ionstraim téarnaimh AE. Le bheith incháilithe, ní mór do thionscadail díriú ar éagsúlú eacnamaíoch, athrú eacnamaíoch nó cruthú post, nó ní mór dóibh rannchuidí le haistriú chug geilleagar a bheidh inbhuanaithe, aeráidneodrach agus ciorclach.

Chomh maith leis sin, cuirfear acmhainní breise airgeadais ar fáil do réigiúin na hEorpa chun borradh a chur faoin téarnamh eacnamaíoch as an bpaindéim. Is tionscnamh éigeandála é [ReactEU](#) chun cistí a chur ar fáil do na réigiúin agus na hearnálacha inar troime buille na paindéime.

Bileoga eolais ar an Aontas Eorpach

[An Ciste Comhtháthaithe](#)

[Ciste Forbraíochta Réigiúnaí na hEorpa](#)

[Cúnamh téarnaimh do chomhtháthú agus do chríocha na hEorpa \(REACT-EU\)](#)

[Clár PEACE i dTuaisceart Éireann](#)